

30 JUN 1996

MENTERI LUAR MEXICO TIBA UNTUK LAWATAN RASMI

KUALA LUMPUR, 30 Jun (Bernama) -- Menteri Luar Mexico Dr Angel Gurria tiba di sini hari ini untuk lawatan rasmi tiga hari dalam usaha meningkatkan hubungan dua hala antara Malaysia dan Mexico.

Beliau disambut di Lapangan terbang Sultan Abdul Aziz Shah di Subang oleh Timbalan Menteri Luar Dr Leo Michael Toyad, Duta Mexico ke Malaysia Ricardo Villanueva dan para pegawai Wisma Putra.

Esok, Dr Gurria akan mengunjungi Perdana Menteri Datuk Seri Dr Mahathir Mohamad dan mengadakan perbincangan dengan Menteri Luar Datuk Abdullah Ahmad Badawi mengenai isu-isu kepentingan bersama dua hala dan antarabangsa.

Pada petangnya, beliau akan berucap mengenai "Mexico - Pembangunan Ekonomi dan Politik Masa Kini dan trend Masa Depan" di Institut Strategik dan Kajian Antarabangsa (Istis).

Beliau juga akan mengadakan sesi dialog dengan anggota-anggota Persatuan Selatan-selatan Malaysia untuk membincangkan mengenai peningkatan kerjasama dua hala perdagangan dan ekonomi antara Malaysia dan Mexico. --
BERNAMA

AFY RON